


Til info.

Austebygd skule og barnehage,
Slettevegen 870-872
5939 Sletta



Info til heimane ved Austebygd skule og barnehage

Formannskapet ber om meir utgreiing i saka om utbygging av småbarnsavdeling ved Austebygd barnehage.

Formannskapet i Radøy kommune har i dag hatt møte og drøfta saka om utbygging av småbarnsavdeling ved Austebygd barnehage. Rektor og inspektør ved Austbygd var til stades på møtet for å få vita meir om saka, og høyra synspunkta til formannskapsmedlemmene. Det vart presisert at dagens møte kun hadde denne saka oppe som ei drøftingssak.

På møtet vart det informert om at dette er ei sak som har gitt utfordringar som ein ikkje såg då saka vart starta opp. Bakgrunnen for desse utfordringane, er krav om universell utforming. Rådmannen presiserte i møtet at det ikkje er rådmannen som har bede om utgreiing på dette, men det er Norconsult som har lagt det fram.


Etter det ein i dag ser, vil krava om universell utforming medføra auka og uoversiktlege byggekostnader, langt utover det budsjettet i saka i dag legg opp til. M.a. vert tilkomsten til skulen og barnehagen ei ekstra stor utfordring, p.g.a. at vegen er for bratt til å verta godkjent ut frå dei komande krava.


Fleire formannskapsmedlemmer uttrykte forståing og ønskje om at familiar som bur i Austebygdkrinsen også skal kunna levera dei yngste borna sine i barnehage i bygda. Dersom det skulle visa seg at utbygging vert vanskeleg å gjennomføra, kom det fram ein ide om at dersom det vart etablert ein familiebarnehage i bygda, for dei yngste borna, kan det vera eit alternativ.

Det kom også fram at ein må sikra seg at ein ikkje vel utbygging for ein kvar pris, noko som også kan setja skulen i fare.

Møtet vart avslutta med eit vedtak der **formannskapet bad rådmannen om koma med ei behovsvurdering av barnehageplassar i Radøy**, før saka vert tatt opp igjen på nytt. Ei slik vurdering låg ikkje til grunn då saka vart tatt opp tidlegare.

Austebygd skule, 7.juni 2018


Torunn Tolleshaug Hovden
rektor/styrar



Radøy kommune

Saksframlegg

Saknr	Utval	Type	Dato
040/2018	Formannskapet i Radøy	PS	07.06.2018

Sakshandsamar	Arkivsaknr.:	Dokumentnr.:
Arthur Kleiveland	18/20	18/8357

Småbarnsavdeling Austebygd barnehage

Saksopplysingar:

Bakgrunn

I budsjettet for 2018 er det sett av 3 000 000 til etablering av småbarnsavdeling med 9 plassar for born på 1-2 år i Austebygd barnehage. Rådmannen har i løpet av våren gjort ein del grunnlagsarbeid for å finna ei tenleg løysing på dette for barnehagen. Norconsult har vore inne for å koma med framlegg til løysing som kan gje desse småbarnsplassane.

Norconsult har gjort ein grov kalkyle på kostnader knytt til utbygging og rehabilitering av eksisterande barnehage og gymbygg. I denne prosessen har det kome til fleire nye utfordringar. Det gjeld tilkomst til barnehagen og skulen, nye krav til arbeidsplassar for tilsette i skulebygg og nye krav til universell utforming som kjem i 2025. Mykje av dette er komplisert å kostnadsrekna og Norconsult har vanskar med å gjera dette av grunnar som rådmannen kjem attende til. Dei kostnadane som er grovt kalkulert som vi veit om i dag er:

Utbetring/ rehabilitering ny småbarnsavdeling	4 850 000,-
Etablering av uteområde utan leikeapparat	1 000 000,-
Leikeapparat	400 000,-
<u>Kalkyle småbarnsavdelig</u>	<u>6 250 000,-</u>

I tillegg må det gjerast ein del arbeid som må greiast vidare ut. Dette er:

Tilkomst til skulen og barnehagen.

Nye krav for universell utforming seier at vegen ikkje kan vera brattare enn 7% stigning. Norconsult ser ikkje ei god løysing på dette så langt, og vil ikkje gje priskalkyle på dette. Ein del av utfordringa er at om ein hevar delar av vegen, vil det medføra at tilkomsten til parkeringsplass vert sperra.

Lærarplassar

Når ein byggjer ut barnehagen med 9 småbarnsplassar medfører dette at det ein har auka behov for arbeidsplassar for tilsette. Dette er ikkje med i kostnadsramma for utbygginga av barnehagen. Lærararbeidsplassane, både for tilsette i barnehage og skule, må inn i skulebygget. Skulle ein laga

dette i barnehagebygget, ville det koma for nær skulen og føra til nye brannkrav i skulebygget. Skal arbeidsplassane inn i skulebygget vil det føra til nye krav for utbetring og opprusting av skulebygget. Dette krev store investeringar av eksisterande bygg.

Skulen sitt uteområde

Skulen sitt uteområde må vidare oppjusterast og sjåast i samanheng med oppjustering av uteområdet for barnehagen. Det er ikkje teke høgde for kostnadar knytt til dette.

Universell utforming

I 2025 skal i tillegg alle offentlege bygg vera universelt utforma, slik at det er krav om heis og ramper på skulebygget. For Austebygd skule og barnehage vil det krevja omfattande ombyggingar som bør sjåast i samband med utbygginga av småbarnsavdelinga.

Rådmannen vurderer at denne saka er større enn bygging av småbarnsavdeling på Austebygd skule. Basert på Norconsult sine vurderingar av bygg, tilkomst og framtidige krav, krev dette prosjektet betydelege investeringar. Norconsult vil ikkje gje priskalkyle, då ein ikkje ser ei god løysing på tilkomsten til skulen og barnehagen.

Saka vert lagt fram til drøfting.

Rådmannen sitt framlegg til vedtak:

Saka vert lagt fram til drøfting.